



Na osnovu člana 3. stav (1) i člana 140. stav (5) Zakona o službi u Oružanim snagama BiH ("Službeni glasnik BiH, broj: 88/05, 53/07, 59/09 74/10 i 42/12"), u skladu sa članovima 2, 20, 21, 22, 23, 24, 25, 26. i 27. Pravilnika o školovanju i usavršavanju u MO i OS BiH broj: 13-02-3-1632/10 od 01.04.2010. godine, a u cilju odabira kadeta za školovanje u inozemstvu, Ministarstvo odbrane BiH, Hamdije Kreševljakovića broj: 98, 71000 Sarajevo, **raspisuje:**

JAVNI KONKURS
za školovanje kadeta na Vazduhoplovnoj vojnoj akademiji u Republici Turskoj za
školsku 2016/2017. godinu

I – Ministarstvo odbrane Bosne i Hercegovine raspisuje Javni konkurs za školovanje 2 (dva) kadeta na Vazduhoplovnoj vojnoj akademiji u Republici Turskoj za školsku 2016/2017. godinu.

II – Školovanje u Republici Turskoj traje pet godina, od čega u školskoj 2015/2016. godini kandidati uče turski jezik, a nakon toga četiri godine se školuju na vojnim akademijama, počevši od školske 2016/2017. godine.

Odabrani kandidati imat će svojstvo kadeta, čija će prava i obaveze biti regulirane u skladu sa članom 73, 142. i 143. Zakona o službi u Oružanim snagama Bosne i Hercegovine ("Službeni glasnik BiH", broj: 88/05, 53/07, 59/09 74/10 i 42/12) i članom 29. Zakona o plaćama i naknadama u institucijama Bosne i Hercegovine ("Službeni glasnik BiH", broj: 50/08, 35/09, 75/09, 32/12 i 42/12).

Po završetku školovanja, kadeti će biti primljeni u vojnu službu u početnom činu oficira Oružanih snaga Bosne i Hercegovine, potporučnik (OF-1), odgovarajućeg roda-službe.

Međusobne obaveze kandidata izabranog za školovanje na Vojnoj akademiji Republike Turske i Ministarstva odbrane Bosne i Hercegovine reguliraju se ugovorom o školovanju.

Za vrijeme školovanja kadetima su osigurani smještaj i ishrana u internatu Vojne akademije.

III – USLOVI KONKURSA

1. Opći uslovi su propisani članom 9. Zakona o službi u Oružanim snagama BiH ("Službeni glasnik BiH, broj: 88/05, 53/07, 59/09, 74/10 i 42/12"):

- a) da su državljani Bosne i Hercegovine,
- b) da su zdravstveno sposobni za službu u Oružanim snagama,
- c) da nisu osuđivani na bezuslovnu kaznu zatvora u trajanju dužem od šest mjeseci,
- d) da nisu prethodno otpušteni iz državne službe ili pravnog lica, zbog povrede službene dužnosti u posljednje tri godine,
- e) da im pravosnažnom presudom nije zabranjeno obavljanje određenih djelatnosti, odnosno dužnosti za vrijeme trajanja takve zabrane,
- f) da se protiv njih ne vodi krivični postupak za krivično djelo za koje se goni po službenoj dužnosti,
- g) da imaju odgovarajuću stručnu spremu potrebnu za obavljanje određene dužnosti,

h) da nisu mlađi od 18 godina.

2. Posebni uslovi konkursa

a) završena četverogodišnja srednja škola (nastavnim planom i programom je predmet matematika bio zastupljen najmanje dvije, a predmeti hemija i fizika najmanje jedna školska godina), u svakom razredu srednje škole postignut najmanje vrlo dobar uspjeh, (kandidati sa postignutim uspjehom odličan imat će prednost); prosjek ocjena iz matematike, hemije i fizike najmanje dobar (kandidati sa postignutim uspjehom vrlo dobar i odličan će imati prednost),

b) da nisu mlađi od 18 i stariji od 20. godina, na dan 15.09.2015. godine,

c) znanje engleskog jezika (60 % ALCEPT),

d) poželjno poznavanje turskog jezika,

e) dobro poznavanje rada na računaru (Word, Excel, Power Point, Internet).

3. Posebni uslovi prema kriterijima akademija u Republici Turskoj:

- da kandidati ne boluju od zaraznih bolesti (HIV, TBC, Hepatitis), kao i da ne boluju od astme i oboljenja srca,
- da su psihički i fizički zdravi i sposobni za vojnu službu i da nemaju smetnje u govoru,
- da kandidati nisu oženjeni/udati, da nisu u drugom stanju i da nemaju zakonsku obavezu izdržavanja djece.

4. Fizička spremnost:

a) kandidati moraju imati dobru fizičku spremnost, fizička spremnost će biti provjerena kroz sljedeće discipline: trčanje 400 m (za žene 800 m), skok u dalj, trbušnjaci u 1 minuti, barfix (vratilo), bacanje košarkaške lopte, u skladu sa normama koje važe za provjeru fizičke spremnosti za kandidate, koji se upućuju u vojne akademije OS Republike Turske.

Napomena: Kandidati prijavljeni na Javni konkurs proći će test fizičke spremnosti, test općeg znanja, test engleskog jezika i intervju. Sigurnosnu provjeru će izvršiti nadležni sektor Ministarstva odbrane BiH, a zdravstveni pregled kandidata koji uspješno prođu testiranje obaviti će nadležna ustanova u organizaciji MO BiH.

Prilikom rangiranja kandidata postignuti uspjeh u srednjoj školi će se bodovati na način da će se izvršiti zbir ocjena iz tačke a) posebnih uslova konkursa.

IV POTREBNI DOKUMENTI

- prijavni formular i biografija, isključivo po obrascu (www.mod.gov.ba);
- original ili ovjerena fotokopija diplome završene četverogodišnje srednje škole;
- ovjerene kopije svjedočanstva svih razreda srednje škole;
- uvjerenje o državljanstvu na novom obrascu ili ne starije od 6 mjeseci;
- izvod iz matične knjige rođenih na novom obrascu ili ne starije od 6 mjeseci;
- uvjerenje o nevođenju krivičnog postupka ne starije od tri mjeseca;
- potvrdu ili uvjerenje institucije/pravnog lica da u posljednje tri godine nije otpušten zbog povrede službene dužnosti (za kandidate koji su bili ili su još uvijek zaposleni) ili ovjerena Izjava kandidata od nadležnog općinskog organa,
- prijava prebivališta CIPS-a ne starija od 6 mjeseci;
- dokaz o traženom nivou znanja rada na računaru (certifikat o završenoj IT obuci - dostavljaju lica koja tokom školovanja nisu imala predmet informatika);

V ODABIR KANDIDATA

Izbor kandidata izvršit će komisija koju će formirati Ministrica odbrane Bosne i Hercegovine.

VI PRIJAVA NA JAVNI KONKURS

Sva tražena dokumenta treba dostaviti putem poštanske službe preporučeno na adresu:

Ministarstvo odbrane Bosne i Hercegovine
ul. Hamdije Kreševljakovića 98
71 000 Sarajevo
sa naznakom „Javni konkurs za školovanje kadeta u Republici Turskoj“

Konkurs ostaje otvoren 15 dana od dana objavljivanja. Nepotpune, neblagovremene i neuredne prijave, prijave kandidata koji ne ispunjavaju uslove ovoga konkursa, kao i kopije tražene dokumentacije koje nisu ovjerene, neće se uzeti u razmatranje.

MINISTRIČA
Marina Pendeš

